



**Meeqqanut sumiginnaasimasunut, taamatullu kinguaasiutitigut innarlerneqarsimasunut siusissukkut piukkunnaateqartumillu katsorsaanissanut neqerooruteqarnissaq, allatigullu ikorfartuisinnaaneq qanoq ililluta qulakkeersinnaaneripput pillugu apeqquteqaat aallaavigalugu oqallinnissamik siunnersuut.**

(Inuit Ataqtigii Inatsisartunut ilaasortaataitai)

Siullermik Demokraatiniik qujanarujussuaq oqallissaarummut pingaaruteqarluinnartumut.

Uani oqallissaarummi pineqartumi pingaaruteqarluinnartumik qaqinneqarsinnaasut pingaartitatut isigisagut tassaapput:

Siusinaartumik iliuuseqartarnissaq aamma angajoqqaatut akisussaaffik.

Siullermik siusinaartumik iliuuseqarnissamik eqqartuinermi pingaarnerpaasoraara angajoqqaat naartulernermiilli pitsaanerpaamik suna iserfingilernerlugu paasisimasaqarfingissagaat.

Minnerpaamik qanoq akisussaaffik annertutinginersoq, aamma meerartaarneq sumik nassataqarnersoq ilisimaarineqartariaqarpoq.

Aappaattut, siusinaartumik iliuuseqarnissami pinngittoorsinnaanngisarput tassaavoq meeqqerivik.

Meeqqerivik aaliangiisuulluinaqqissaarpoq siusinaartumik iliuuseqarnissamik alloriarnissamut.

Ajornartorsiuterput tassani siulleq tassaavoq perorsaasunik/pædagoginik amingaateqarneq.

Tamanna ajorluinnarpoq aamma Naalakkersuisut pisussaaffingaataat pissaaneqarfingalugulu tamanna aqqinnissaa.

Oqariartuutiningeqarmat perorsaasuniik nunatsinni perorsaasut amerlasuut allami sulisut akissaatit pisuullutik. Tassa taakku meeqqerivinnut uterteqqissinnaangaanni akissaatit aaqqillugit taava ajornartorsiut tungitsinniik aaqqissinnaasaq siulleq aaqqissangaluarpoq.

Tassanilu apeqqutaanginnarpoq politikikkut piumassuseq. Qanoq ilillutami meeqqerivinni perorsaasunik taamak amerlatingisunik amingaateqarluta ajornartorsiornermik ersiutit qanoq qaqilerlugillu suliarisinnaassangatsigit?

Tassuuna isumaqarpunga Naalakkersuisut piaarnerpaamik iliuuseqartariaqartut. Akissaqanngilagut aqqiinata ingerlaqqissalluta.

Isumaqarpunga tamattaalluta partiit akimorlugit Naalakkersuisunut piumasaqassalluta perorsaasut aningaasarsiaat aaqceqqullugit.



Angajoqqaanut tunngasortaa taanna oqimaanneruvoq nunatsinni eqqarsartaatsimik nikisitsinissamik imaqarmat. Angajoqqaajussuseq eqqartornerusariaqarparput, meeraq angerlarsimaffiup avataani pinerluffingineqarsimappat ersiutit suuppat, qanoq meeraq angajoqqaatut kanngutsaatsuliorfingineqannginnissaa pinngitsoortissinnaavarput?

Qanoq imminut illersornissamik ilinniartissinnaavarput?

Ajoraluartumilli amerlasoorpassuit meeqqanik atornerluinerit angerlarsimaffimmi pisarput tannaavorlu meeqqeriviit aqqutingalugit malunginiarneqartussa, tamannalu pisinnaavoq meeqqerisut pikkorilluinnartut pingineratigut. Qisuariarnerlu isumaqarpunga piaartumik ingerlanneqartariaqartoq meeraq sapinngisamik allamut inissiinnarnagu kisianni qanimut ilaqtariit ataatsimut katsorsarneratigut tamanna suliassaavoq, tassa tamanna oqaluttuarisaanitsinni politikkikkut suminginnarneqarsimasut annersaat.

Qujanaq oqallissaarummut annernartumut pisariaqartumulli.